

江都縣志卷之八

江都縣知縣五格黃湘重修

祠祀

祀典掌於秩宗國所重也其在州邑壇封有經德  
功斯饗叢祠野廟蓋不得而參之矣吳楚習俗尚  
鬼祀多非族考江都之舊列明禋者則兢兢乎無  
淫忒焉其猶秉梁公之遺教歟脩宮者務成民而  
致力於神以社以方準以義而咸秩之盡已順道  
庶幾其無曠於禮夫志祠祀

社稷壇在縣西門外濠西其地即名壇巷社祭土稷祭

江都縣志

卷之八

祠祀

一

穀木主二左為縣社之神右為縣稷之神蓋仍明洪武  
初舊制壇屬江都分縣後甘泉即共此一壇

先農壇在縣南門外九龍橋

國朝雍正四年奉

旨通行各府州縣衛建每歲仲春官率耆老農夫恭祭照九

卿耕藉田例行九推之禮欽天監預於頒行歲書時檢

定祀日曉諭天下至期舉行

其地照京城九卿所耕藉田四畝九分之數壇高二

尺一寸寬二丈五尺正屋三間中奉先農神牌東貯祭器農具西貯藉田租穀廂屋二間東脩祭品西住農民南向大門牌坊一座四面繚垣隨壇耕牛一隻農具一副每年耕藉時祭祀品物羊一豕一帛一鋤一籩豆四

簠二簋二以上皆頒行定制

風雲雷雨山川壇在縣南門外三里橋風師雨師之祀肇於周禮漢亦祀風雨唐加以雷至明則又加以雲總名之曰山川壇舊制每歲春秋分後三日合祭

國朝雍正九年

上以雲師雷師庇國佑民靈應顯著宜特建廟崇祀禮部議覆查前明集禮雷雨壇在社稷壇西風雲壇在社稷壇東今應建雷師廟於西方雲師廟於東方雷師照古制於立夏後申日祭雲師依會典合祭之期每歲秋分後三日致祭

厲壇在縣北門外壽寧街東禮記王爲羣姓立七祠有

江都縣志

卷之八

祠祀

一一

泰厲諸侯爲國立五祠有公厲大夫立三祀有族厲春秋傳曰鬼有所歸迺不爲厲厲壇之義蓋以祀孤魂之無主者每歲清明節七月十五日十月朔奉城隍神於壇祭之其設祭動支正供有定額

八蜡廟在縣西門外蜡者索也合聚萬物而索饗之也制始於伊耆氏禮記天子大蜡八先嗇一司嗇二農三郵表畷四貓虎五坊六水庸七昆蟲八其饗祀以歲之十二月古蜡祭亦通於侯國故後世郡邑皆有之廟建於明嘉靖二十一年通判周鼎董其役

城隍廟在縣治之右禮記天子大蜡八水庸居七水卽

隍也庸卽城也城隍之祀統於蜡至唐時城隍始定有專祀明初封郡縣城隍侯伯爵後釐正祀典止改稱城隍之神他郡邑同治者各有府縣城隍廟揚城止一廟府及江都甘泉兩縣皆合祀

**瓜洲鎮城隍廟**舊有廟在通惠門僻隅狹隘僅容足明萬歷間鎮人魏榆改卜於泗橋東儲漕公署之後填巨池平之糜萬四千二百金有奇立新廟焉嚴翼巍煥歷百餘年裡祀特盛乾隆七年榆裔孫嘉瑛重修

**東嶽廟**舊在大東門外天寧寺後今有高阜名太山者其故址也明洪武元年居民周滄海遷於縣治西北四

### 江都縣志

### 卷之八 祠祀

三

望亭成化間揚州衛指揮李忠修

元 廷珪 廣陵嶽宮 黃錄 壇詩濛濛雲氣

濕霓旌小隊紅綃鳳蠟明鸞鶴舞隨行步影魚龍出聽  
步虛聲淮南高士青毛節句曲仙人碧玉笙一路天風  
吹不斷此身  
今夕在蓬瀛

**火星廟**古有火正者火官也掌祭火星行火政故後世立有火星廟江都祠廟非一相傳新城徐寧街者靈顯最著迺邑人曾鉞感熒惑入夢而建

**都天廟**祀司疫之神也周禮歲有天患民病則有司救之官廟蓋本其遺意以爲民祈福者相傳元至大初有孚惠先生楚人也得其師真牧公之學由潯陽東游至儀徵憐民病疫以神符秘溲飲之皆立應儀揚間奉以

爲神歿葬儀之新城後人卽其墓所立廟故揚亦崇祀焉其廟號曰都天莫知所本江都城內外多有廟唯建於南門外者最久每歲五月邑人迎賽謂神實司疫厲云

**馬神廟**周禮春祭馬祖天駟也夏祭先牧始養馬者也秋祭馬社始乘馬者也冬祭馬步神之災害馬者也故後世立有馬神廟江都舊廟在大東門外其地卽曰馬監明萬歷間馬政罷祀遂不舉廟亦尋廢

舊志載有二廟今皆分屬

甘泉地

**旗纛廟**治兵辨旗物之用見於周禮大司馬凡行師皆

## 江都縣志

### 卷之八

祠祀

#### 四

重旗鼓故旗纛有祀明制京師祭旗纛每仲秋祭山川日遣祭於壇內之旗纛廟霜降曰又祭於教場歲暮享太廟曰又祭於承天門外凡一歲三舉揚州衛舊有廟卽在衛治後洪武四年建永樂正統間皆重修之旣而圯廢今則每歲霜降日遊擊舉祭於教場演武廳

**三皇廟**舊在縣治西明洪武七年改觀音教寺爲三皇廟後復爲寺

**禹王廟**唐書狄仁傑毀吳楚淫祠惟存四祠大禹廟其一也廟在縣治西浮山之上一名浮山觀宋嘉泰間建元至正間重建明洪武初道士張道弼修嘉靖間知府

侯秩知縣趙訥相繼修

國朝康熙十一年邑人閔世璋鼎新之雍正十一年巡鹽

御史尹會一及知府蔣嘉年知縣崔昭龔鑑等重修

國

朝鄧漢儀浮山禹廟詩淮海揚州地難忘夏禹功四圍連屋氣片石鎮蛟宮代改碑亭肅年深廟貌崇應修裡

祀禮不與醮壇同祠廟空山好囂塵黯帝容猶然修冕紱曾未種杉松四壁圖蒼水虛堂吼敗鐘細看城郭

外隱隱送蛟龍

**蔣忠烈王廟**在南門外廣陵驛南祀漢秣陵尉蔣子文

子文廣陵人嘗自謂骨青死當爲神漢末爲秣陵尉逐盜至鍾山下傷額而死吳先主初其故吏見子文於道乘白馬執白羽扇侍從如平生語故吏曰上帝以吾正

江都縣志

卷之八

祠祀

五

直命爲此土神可宣告百姓爲我立廟吳主乃封爲中都侯立廟祀之改鍾山爲蔣山累著靈顯廣陵其故里故亦有祠宋紹定三年李全圍揚州守帥趙范禱於神屢戰獲捷開禧丙寅金人犯境小校戚椿挾兵叛中夜聞南溪中甲馬聲椿竊視見一人羶笠白馬如軍官狀擁衆隔溪而過賊疑爲援兵遂宵遁入明有默佑疆場功永樂中加封忠烈武順昭靈景祐王載祀典嘉靖間海防劉景韶夢乘白馬經廣衢一偉丈夫從旁挺丈八矛授劉劉於馬上揮之萬衆辟易頃則所乘白馬嘶而騰空乃驚寤未幾島夷犯海壩景韶討平之追憶前夢

知有神助偶謁蔣王祠則曩所夢偉丈夫儼然中堂而  
所乘白馬屹然立門外因再拜堂下惜其棟宇傾圮乃  
捐金重葺立碑於廟以記其事人遂稱爲白馬廟云又  
城西南十五里亦有蔣王廟唐溫庭筠蔣侯神歌楚神  
鐵馬金鳴珂夜動蛟潭生  
素波商風刮水報西帝廟前古樹蟠白蛇吳王赤斧斫  
雲陳畫堂列壁叢霜刃巫娥傳意托悲絲鐸語琅琅理  
雙鬢湘烟刷翠湘山斜東方日出飛神  
雅青雲自有黑龍子潘妃莫結丁香花

關帝廟城內外所在多有廟惟北門街東及三元巷後  
者最久且著小東門月城廟祭賽尤盛

國朝雍正三年奉

旨令天下郡縣春秋祀帝以太牢又追封其曾祖光昭公祖

江都縣志

卷之八

祠祀

六

裕昌公父成忠公並立木主每舉祭時府祭於三元巷  
後廟縣祭於北門廟

東陵聖母廟在縣之宜陵鎮一名聖母祠寰宇記云在  
縣南三十里舊志云在城東蔡家莊元大德間重建後  
漢書郡國志廣陵東陵亭有女子杜姜左道通神縣以  
爲妖收獄桎梏變形莫知所極縣以狀上因卽其處爲  
廟號曰東陵聖母祠又集仙傳云聖母海陵人適杜氏  
師劉綱學仙術道成夫不之信告官繫獄聖母從牕中  
飛出衆人望之轉高入雲中於是立廟祀之每著靈驗  
常有一青鳥集祀所人有遺失禱之則鳥飛墜盜物處

以此廣陵道不拾遺二說不同韓魏公守揚州嘗禱雨

於祠

宋韓琦揚州祭聖母祠祈雨文維慶歷六年歲次丙戌某月某朔某日具官某謹以清酌之奠昭告

于聖母之靈某聞之於詩曰旱既大甚靡神不宗則知古人閔雨之際不愛牲幣凡神能福于民而為民之所

奉者皆得索而祭焉今歲夏季以來境內不雨穡人狼顧以田為憂長民者亦嘗設壇禱龍歛祠求神齋恪之

誠不為不至近方靈應有答而民望未厭是用陳茲薄薦乞靈於神其體斯民所奉之心示神能福之意

廣敷陰施惠此一方使時澤霈然年穀大獲則民知神德不謂無靈尚饗國朝宗觀東陵聖母廟詩野田漢

漠遠橫塘畫壁靈旗帶夕陽七尺鬚眉無退步學仙何處遇劉綱

仙女廟在縣東北三十里西陽雜俎云東陵聖母廟女

道士康紫霞自言少時夢中被人錄於一處言天符攝

將軍巡南嶽遂擐以金甲令騎道從千餘人馬蹠虛南

江都縣志

卷之八 祠祀

七

去須臾至嶽神拜迎馬前夢中如有處分嶽中峰嶺溪

谷無不歷也恍惚而返聞雞驚覺自是生鬚數十莖人

謂之仙女後因立廟祠之

國朝李沂經仙女廟詩原草綠萋萋輕舸轉碧溪近江

流水急到岸客帆低廟鬼鑄頑石墻花剝舊泥仙蹤不可問惆悵日沈西

魏文帝廟一統志云曹丕攻孫權於黃初六年冬十月

詣廣陵大寒水冰舟不得入臨江賦詩而還後人為之

立廟俗亦稱曹王廟

國朝郭士璟詩十月南征水洳凝駐兵野廟指金陵要知南北長

江限不及邗溝一片冰宗觀詩土人伏臘走曹祠不記侵吳此駐師天與孫郎南北限舳艫冰泐下江時

下市廟在廣陵前港見宋劉敬叔異苑

吳王廟寰宇記云城南桃花岡有吳王廟隋時建

隋燕王廟王煬帝孫名倓大業十三年及於難唐太和二年詔立廟江都

曹王廟在城東大橋鎮西祀宋武惠王曹彬廟外有古銀杏一株大可八九人環抱廣蔭數畝

三將軍廟祀宋將左將軍元怡前將軍梁宏右將軍張昭紹興三十年三人同禦金兵於儀徵怡獨刃六七人力窮陷陣死宏截胥浦橋拒戰斷左臂仍以右手挾敵同赴水死昭戰屢勝中流矢死儀人共立廟祀之舊志云江都亦有廟在城西

紀忠廟舊志云在雍熙院西祀宋紹定淳祐間淮南北戰死之士凡四千五百二十六人

顯勇廟在城南祀宋死節臣吳從龍從龍字子雲官至武功郎建康府統制紹定間禦李全兵爲先鋒援不至被擒使至泰州城下誘降不屈死之詔立廟揚泰二州賜額顯勇以褒其忠

金龍四大王廟在南門外文峯塔灣明陳繼儒傳畧云神姓謝諱緒錢塘安溪人宋謝太后戚畹也折節就學絕意仕進建望雲亭於祖塋之金龍山德祐二年宋亡投茗水死元末鄉人皆夢緒爲神明太祖取臨安見神金甲橫槊空中助戰其後擁護漕河屢著靈顯天啟四

年蘇茂相督漕水涸舟不前神降言爲我請封當以水報蘓具疏甫畢洪波湯湯萬艘飛渡得旨加封護國濟運金龍四大王黃金壩運河岸亦有廟今屬甘泉地楊家廟在府治右元揚州路同知楊敬一卒於官葬城西因立廟祀之

陳總管廟總管名允忠仕元死於江明嘉靖間倭警顯異請封於朝立廟姚家沙大岸墓旁後因江漲子孫遷墓於城南善應鄉復立廟墓側

國朝賢王祠在城南三汊河茱萸灣雍正八年奉

上諭怡親王功在社稷直省有欲爲王建立祠宇歲時展祀

江都縣志

卷之八

祠祀

九

者奏聞准其舉行兩淮感王功德請建祠以伸崇報由督撫鹽政會題立

江水祠在縣南瓜洲鎮漢書地理志云宣帝祀江處又郊祀志云昭帝以四時祠江海雒水爲天下祈豐年自是五嶽四瀆皆有常禮江祀於江都皆使者持節侍祠泰山與河歲五祠江水四祠餘皆一禱而三祠焉

江海潮神祠在瓜洲鎮明景泰六年知府王恕修大學士高穀有記成化十九年知府楊成重修時王恕爲尚書復郵文記之

龍祠在瓜洲鎮八港屯船塢祠面金山土人謂之金山

龍王廟 明唐順之重修謂瓜洲龍祠記龍之祠不秩於三代之禮記者論大河之治以爲不宜祀龍曰

耳其祀始見於禪書朝那龍湫今天下水之濱無

處不有龍祠宋之儒者論大河之治以爲不宜祀龍曰

是天地之功也至於衆人之制爲祠典也凡有功德於地無爲而百神之肖像於其間者莫不各致其能以

其功也至大地未嘗與之爭功也而百物之功德於地

之功也至大地未嘗與之爭功也而百物之功德於地

間者不問細大莫不羣然以報之而致其報而未嘗

疑於與天地之分功矣夫觀於成百穀以粒民孰非神

報乎幽明之功也故矣夫觀於成百穀以粒民孰非神

悉乎幽明之功也故矣夫觀於成百穀以粒民孰非神

若焉則古人爲之謹祀以報之可矣至於大索鬼神而

食鼠化尤靈貓虎未嘗無利龍得陰陽五行五氣之精故

其變祀虎未嘗疑於與天地分功而謂龍無功於水乎

祀貓祀虎未嘗疑於與天地分功而謂龍無功於水乎

龍何疑焉而不祭於耶曰百物之祭古矣又安知古

之祭龍耶古所謂豢龍氏安知其非如伊耆氏之於

實掌其祭者耶所謂豢龍者其無乃羞飲食以祀龍之

江都縣志

卷之八 祠祀

謂而好怪者遂以豢龍爲畜龍也歟龍乎畜其亦非  
所以爲龍矣古今大水流意必有瓜洲據江之衝則其建祠  
決不常而江獨爲不安流意必有瓜洲據江之衝則其建祠  
以祀龍也亦宜祠不知所始歲久圯壞嘉靖癸卯奉化  
王侯杏始爲揚州府同知署府事乃斥贖金之餘修之  
而使道士某來請記王侯儒者也其爲是舉也必有以  
通乎鬼神之情而悉乎幽明之故矣余懼後之人泥於  
舊說而以爲非經之祀也爲之著論如此使龍其安且  
食於此而無慙焉且使讀者其亦無以余爲語怪也

文昌祠 一名文昌閣在南門外臨河文峰塔灣祀司祿

梓童帝君每遇賓興府縣餞試士於此又府縣儒學前

皆有文昌樓南門內新橋有文昌宮其地分隸甘泉

鑿維揚郡城南文昌閣碑淮海惟揚州振江上游淮泗

下流束湖於漕運艘是由越城而南里修有三如矢的

是趨厥氣弗含祝融爲灾文教罔培士習用隕狐疑相  
猜惟二十三歲在端蒙協洽士議於覺巷語相答乃

鳴於邑於郡於臺謀無不諧鳩工度材版鋪子來匪防  
是曲惟水貴曲迂指巽維委蛇還穀乃經坤道抱於離  
腹千步有餘折入餉渠遠導嶺源百流皆輸激行無恙  
維堤之障比於砥柱郡城是向從衆之謀作閣其上十  
載乃成厥觀用壯飛翬翼方庭殖殖望之屹屹卽之  
秩秩繪屏於楹有燦六星去彫不貌以形左右雙  
亭維閣之肱琅玕凌風兩叢青南爲大池芙蓉播清  
橫巨小堤因舊河形最後築堰上構三亭夾以垣墻截  
以杉柵對植名花縱橫成列春瓊炫日秋丹迎月或浮  
錦浪或傲寒雪爛熳庭際吐芬揚烈東峙浮圖聳秀城  
隅西祠文昌正氣是扶如揖如承不謀而符其北隄灣  
日飛萬絃直郡之南當閣之前方石鱗次厥構以堅鯢  
旋之湍止水爲漣非爲遊觀其勝適然郭首障渠作閣  
者朱前後相成有造茲區其拊摩其教恬愉化孚人  
和膏澤旁濡朱衣楚楚千億年仰止有窮傳經比字  
勒茲石文置於水滸垂千億年仰止有窮傳經比字  
人登文昌閣詩鳥外罟罟海色寒蕭蕭風景此憑闌橋  
邊酒美差堪賁京口山佳偶共看岸千帆秋水闊隔  
林孤磬晚烟殘綵毫一賦  
枚生後搖落誰還問鷓鴣冠

江都縣志

卷之八 祠祀

孝婦祠明陸弼縣志引十道志云揚州有孝婦祠又引  
寰宇記云卽漢于公所祭者按漢書于公祭東海孝婦  
而雨未言孝婦廣陵人陸志引謂揚州祠祀者卽此孝  
婦未知何據存以俟考

佛狸祠相傳在瓜洲鎮南史宋文帝元嘉二十七年十

二月魏太武帝率衆至瓜步聲欲渡江明年正月退歸

佛狸者太武小字也宋辛稼軒詞有佛狸祠下一片神

鴉社鼓之句

宋陳造詩佛狸歲未卯志欲吞宇縣當年  
江飲馬腥血侵淮甸無人飯耕牛有井巢

歸燕至今閱遺史爲汝空飲恨緬想瓜步留殺氣纏吳  
分云何此山椒遺像儼高殿無乃甘事讐吳俗昧所見  
或復綿歷久後嗣忘敵怨冥莫彼有識福汝吾敢信君  
看趙與薛徇國冒禍豐魏侯繼前躅長呼列白刃胡不

祝之香火均遠近豈但祈神休抑使頑懦奮誰今決  
從違引手適我願註趙侯立薛侯慶魏侯勝皆淮南死  
事將也張蘊詩如此江濤更有人佛狸竟死不能兵  
幅巾短棹鷗前夢未省當時有此城元王暉詩江山  
照眼舒清眺千古興亡墮眼前瓜步市長連野戍佛狸  
祠古慘荒烟柂樓看取平吳日父老空傳飲馬年此日  
不須開濁浪好  
風都屬往來傳

**蕭梁公主祠在瓜洲鎮城上凡病目者禱之即愈俗呼**

**為眼香廟**

國朝魏嘉琬詩六代珠宮闕蕭梁貴主遺  
芙蓉入江暈環珮有秋思祠屋新粧在香檐

舊篆吹何勞問張  
湛空得眼方奇

**康令祠唐咸通中江陽令康**

失其名

**因旱以身禱雨跨白**

**馬入江而死雨遂霽足歲則大稔邑人悲念之為立祠**

儀徵有康公廟俗稱古鎮  
明王廟亦即祀康令者也

**江都縣志**

**卷之八**

祠祀

十二

**韓忠獻公祠在舊城雍熙院內祀宋魏公韓琦琦以資**

**政殿學士知揚州後又建節淮南孫賁以所藏琦圖像**

**置祠祀之熙寧中江淮發運使蔣之奇有記**

**聲隅先生祠在城南楊子橋宋江都令羅適建祀寓賢**

**黃晞**

宋蘇頌聲隅先生祠堂記聲隅先生祠堂者知江  
都縣宰承議郎羅適所建也先生建安黃氏諱晞

字景微年少時以有道稱於閩中泉南陳侯靖福唐陳  
侯絳在郡日爭以禮延請躬率諸生侍聽講席於時士  
人皆尚章句務為奇靡先生獨好古學不與眾合嘗  
論語法言著書十篇其發明聖賢道義之隱微與古今  
治理之得失詳矣自題其篇為聲隅子歛獻瑣微論其  
解曰聲隅者枿物以顯志也景祐中先生歛獻瑣微論  
隨鄉貢至禮部又上五十策求應直言詔科俱以後時  
不得與試已而歎曰老大不偶若此豈能復從諸少年  
校程式於場屋間乎可以逝矣然欲閱天下義理觀未  
見之書莫若居京師為得計遂傲舍僻處而士子競造

其門先生之學無所不通尤潛心春秋周易其說以左  
氏凡例爲得聖人之微鄭康成象數極天地之蘊學者  
較量攻擊終莫能窮奧窔丞相武寧章公以其鄉人召  
置門下權利所處非所樂也時我先人方在臺省早聞  
其風下榻以招之先難愈久不相就後十餘年復仕朝  
頌曰與之游陋巷晏如又著揚庭新論十篇其指陳  
當世先生獨居若言禮樂述作之所由則太常卿論足  
言郡國武備之廢置則九州刺史論足矣餘篇悉然蓋  
欲見於國行事者也方是時公卿大夫交章論薦先生自  
人朝廷用丞相韓魏公言將以爲國子監直講先生自  
謝於富丞相曰老生豈任仕宦者耶必不可辭願得七  
品閑官還南方足矣仁宗皇帝聞而異之特詔授太學  
助教致仕從其志也嘉祐二年四月無疾卒於隆和坊  
不俸舍死之日囊無餘貲惟蓄書數萬卷存焉一子在遠  
主其後走僕來告頌即日往哭其殯且爲買棺就殮且謀  
寄骨郊寺翌日魏公遣使爲幹殯又奠之文其畧曰  
先生之道德不用於朝宰相之過也聞者莫不痛先  
生之有時無命而推魏公之推賢抑已也未幾其子自

江都縣志

卷之八 祠祀

南方來挈旅櫬載遺書以去過江都藁攢於楊子寺後  
圃旣而交遊故人共爲復土就葬其地其未葬也川陸  
之經由者識與不識皆過其下咨嗟留連或爲歌詩哀  
辭或書名屋壁至於木膚竹籟題記殆遍其無位而得  
名至誠而感物近世未有也羅君苙邑之始首來奠謁  
因覽馬鬣黯然悽愴且謂大儒不祀後世何觀昔汝南  
先賢列城圖其像有吳君仲尼表其墓思人尚德由  
古而然於是即其墟規度餘地增土於其上者幾仞構  
不旁者幾椽設像中楹儼乎肖材力之費悉出俸泉  
蓋有激於風誼落之日遠近來觀且欲記其經始之由  
載始卒之行刻諸金石託文舊交予惟先生之道生不  
得亟行於時死而有名卿巨公周恤其後事歲月久矣  
餘芳邈焉又有賢令宰爲之封植幽壤表章名後來  
之人有踐斯地登斯堂挹先生之遺風知大雅之不  
雖綿襪浸遠棟宇其頹又將繼而新之廟食茲邦垂範  
來裔孰謂先  
生無後乎

彭守祠宋熙寧間彭思永知揚州有惠政民謳思之爲

立祠祠舊在城內

**繡女祠**在縣西北四望亭之隅內舊有塼槲相傳宋高宗南渡時遺宮女於揚修道得仙多著靈異居民立祠祀之今東嶽廟卽其故址

**三忠祠**在瓜洲鎮嵩山寺內明嘉靖間知縣劉良卿建祀宋左軍統制魏俊後軍統制王方副將趙淮

**鄭忠肅祠**祀宋淳熙間太守鄭興裔興裔有功德於民故揚民祀之祠額忠肅其賜諡也

**崔守祠**宋嘉定間以崔與之直寶謨閣權揚州主管淮東安撫司事與之不從和議練兵設伏防禦金兵使不

## 江都縣志

### 卷之八

祠祀

十四

深入揚民德之爲立祠

**三趙公祠**祀宋江淮制置使趙善湘淮南安撫使趙范兩淮宣撫使判揚州趙葵

**邱公祠**祀宋揚州守邱岳岳於端平間先知徽州有禦敵功理宗書忠實二字賜之後復守揚州多治績揚人立祠祀焉

**文丞相祠**祀宋信國公文天祥舊附祀於城西三義廟明正德間巡鹽御史劉澄甫以寄寓他祠非所以表崇忠義與運使張偉郡守孫祿卜地城南勅祠專祀嘉靖間巡鹽御史戴金重修萬歷間巡鹽御史楊光訓復檄

府縣繕葺之

國朝康熙五十九年知縣項維聰修

明劉澄甫揚州文丞相祠堂記正德十年

乙亥夏四月監察御史劉澄甫移宋文丞相舊祠於揚州城南四里舖咸與維新將走幣名公巧文刻石懼歲

時遲延遂自作記曰嗚呼文山忠孝節誼今古罔有弗知天下俎豆禮亦宜之當其奉使伯顏被留軍中與其

客杜滸十二人夜自鎮江潛逸徽州通書二路制置圖惟厥功苗再成給以出城李庭芝備而不納走伏藪篠

乞食樵羹斯時也先生心跡危疑孤險雖宋世忠臣且猶弗信他尚何言哉顧冒山海之艱招疲散之卒仗義

勤王捐生滅家卒之國亡身繫拘囚三年竟從容南向以死中原志士仁人至今悲傷不休正德九年余監兩

淮鹽政往來惟揚徵州間考尋遺跡父老謂鄉人久立祠於城西便欲瞻謁弗果仲冬徐駕部晉過余言乃詳

又附祭三義廟內余惻然弗安累日鄉士大夫皆盡歎息欲改構祠屋更飾丹青崇乃祀典勵乃風化翼日守

揚孫參政祿持狀謁余曰文山先生祠僻寓他祠棟宇湫庳林莽翳蕪神惟不享為守者懼敢請於執事乃謀

江都縣志

卷之八 祠祀

十五

及張運使偉偕與縱觀於城之南厥土惟阜三山遠臨巨津迴抱神之來止福並萃止其若工費調度悉偉處

分且無損儲無動衆余特屬諸運同高選材掄其堅工徵其巧經始之旦士民商賈乃罔不悅今年四月十有

三日丕作五月廿日克成外門隙地方鑿一池宛通河水繚以塼垣七十餘丈中堂燕室各表三舍左右廡庫

皆稱工力弗逮者又捐公移積貲及鹽賈一二量願助之深拒弗納者衆也乃審厥像塑惟舊繪盛以冠冕表

以封號嗚呼忠誼之心人皆有之百千萬年固有聞先

生之風而振起者祠之興廢夫何足恃又曰祠享孔時

修緝孔嘉維自今君子攸賴余不敢祝國朝郭嗣齡

重建文丞相祠記康熙五十九年庚子邑侯項公特捐

俸修復宋大忠節信國公文山文丞相祠侯蒞邑甫踰

三年其於民飲水而已力不能致千緡以新此祠而

為上請齋使張公倡之日此皆廉者之俸先賢所樂享也且邑政至繁劇侯頻至祠親督匠師視其勤否工拙

閱三月祠成又拜奠告成文氏之裔孫隸名學宮者夙戚然於先祠之荒廢而莫能呼籲於有力者之前也一

日覩茲鼎新之感侯之德頌侯之功烏能已已願侯推

而不有曰公之節行自可師百世而表揚先賢無匱祀

事以示衆瞻仰正人心而厚風俗自吾典茲土者之責  
明其祠於揚也始在城之西規模稍隘正德間御史劉  
諱澄甫爲遷城南立今祠制始宏麗嘉靖五年御史戴  
諱金二十一年御史胡諱植及萬歷三年已亥御史許  
諱三省崇徵十六年癸未御史楊諱仁愿皆加修葺然  
將八十年神雖呵護不能禁風雨朽蠹之聞今去癸未又  
也懿好雖有同心過者徒爲吁嗟太息而已其擁多貲  
者或指某神之能司人禍福而輝煌其廟貌以祈庇我  
此大愚也更或從事寂滅之學佞佛求福廢棄人倫不  
免爲異端之惑其有立忠孝至行如公者縱心嚮慕之  
而亦姑置之矣非侯探討經史崇正學厲名節安能亟  
舉茲工不惜費不辭勞如子弟之奉父師如手足之衛  
心腹不以須臾緩不餘毫髮間也祠建大堂三楹位公  
像又門屋二楹兩廡各屋六楹門外多植松柏較舊  
制增壯焉其物質之美好枿鑿之完固又數倍於前文  
之裔孫知侯之推而不好私屬余志之俾奕世後無  
忘侯德功云侯名維聰字穎叔浙江嘉興人饒文張名  
應詔字圖園湖廣武開衛人明陳第維揚謁文信公  
仁江橋南中像巖松雪後春徘徊歌正氣不覺淚沾巾  
計猶記指南詩壞壁穿枯竹陰廊叫子規夜深嘶畫馬  
應背北  
風悲

江都縣志

卷之八 祠祀

十六

六賢祠在西門內維揚書院後祀宋程顥程頤范仲淹

胡瑗朱熹明王艮

五賢祠在瓜洲鎮泗橋東卽五賢書院祀漢董仲舒宋

胡瑗王居正李衡文天祥明吏部郎郡人王納諫有記

記見學校志五賢書院內後又增祀明史可法

三烈祠在瓜洲鎮明嘉靖六年巡按御史王鼎江都知

縣劉良卿以嵩山寺隙地建祠祀宋烈婦趙淮妾明烈

女殷氏周氏從鎮人趙副使鶴之請也淮妾長沙人失其姓氏淮抗節爲元將阿朮所殺棄屍江濱妾俘軍校帳中賂左右得往求淮屍焚其骨抱持投江死殷氏年十八周氏年十七皆瓜洲女子不爲明永樂靖難兵所辱赴水死其事俱詳列女傳

**蔣公祠**在南門月城內祀明正德間揚州知府蔣瑤明

武宗南巡瑤不畏權璫民賴以安故立祠祀之邑侍郎

**葉相有蔣公遺愛祠記**

明葉相記嘉靖戊戌春揚州太守蔣公遺愛祠成昔守揚再

踰年陞轉去德在民民懷弗已乃作是祠夫守繫千里休戚一郡之民賴焉揚爲郡俗靡民勞守賢功易以集而譽流不賢易虐民有憂正德間公以名御史出守荆移官於揚初至歲饑卽請漕米萬石用活民民罷訟公

江都縣志

卷之八 祠祀

十七

論遣之不務深文株逮曰母滋爲其困苦衙子弟欲取堂幅紙爲文公曰母以此爲吏入之漸出數錢別市紙以供之及聞大駕將南諸路餉更取山峙公一切簡省日臨時利害瑤請以身當之諸僚更欲盡賦民免徵之糧以供案成公裂之曰民胡可欺比至扈蹕諸悍弁權璫百需公不聽當道欲斂夫直饋公亦不聽怒繫公於舍公憤臥欲絕竟不聽璫欲刷璫欲奪民舍以拓官店但遠不可必得若揚女不可刷璫欲奪民舍以拓官店但日民已安居不可奪及諸求罔有得恨繫公於舟不飲食者三日復驅公扈舟以行公至徐乘一驢抵臨清乃返一郡卒賴以全及官轉夫覓一輕舸載原攜至二衣橐便行嗟乎揚大郡守胡求弗得公至幅紙不私一夫不斂比及雷震山壓之秋而死生利害又一切爲民以身當之而不悔傳稱古循良固多其能治行養民若公真誠德出於天而愛我民痛心切膏如赤子者幾人昔我揚昭陽恭愛常有廟謝韓范歐亦常有祠然諸賢時可爲而處其易公則逢事變而當其難禮能捍禦大灾患祀有奇節完德在人祀公實兼而有之祠以肖公之像不可於中我民日往來不知其幾過必式必拜

拜則頌而思休有光矣然凡我在位亦出入所必經旦暮所共見不有於思齊乎思公為人是亦公爾矣安知行政而效其施不加之民而民被其福是亦公爾矣安知民異日之愛我不猶今日之愛公乎若乃見而不知賢而不知效法顧自棄則公之罪人也尚書朝野方倚瑤字粹卿歸安人今官太子少保工部尚書朝野諸姓重若買地購財鳩工倡眾以成是祠者義官鄉耆諸名具列碑之陰相既為記其事復作詩遺我人俾歌以永思其詞曰於休公仁曰甫曰申天錫厥德惠我揚民揚為要區物瘵民痛誰其父母薄寬我誅惟公之治廉公盡瘁哀我顛連綬我髦稚恩勤劬賦有特蠲逋弗私片紙弗斂一夫漕米萬石我民胥活賦有特蠲逋弗私役大駕南來力竭天回孰刷我女孰括我財我民莫居胡奪我廬三日弗食我繫韋韞驢違違臣節惟良我民期怙曷云能忘有新厥祠有穹厥碑秩嚴嚴報祀孔宜祠當轅屢尚啟後賢我揚蒙福歲秩嚴嚴公壽罔齊公譽弗替陵谷可移公祠百世

**唐公祠**祀明嘉靖間巡撫都御史唐順之祠在南門外

江都縣志

卷之八 祠祀

官河南岸順之提援師禦倭患又嘗條畫存活饑民後

卒於泰州郡人不忘其德故祠祀之

**李公祠**在南門外官河岸祀明嘉靖間都御史李遂遂

督淮揚軍務出奇算平倭揚人德之為立祠通州陳侍

**郎堯有祠記**

明陳堯李襄敏公祠堂碑記畧曰揚州舊無開府有開府自豐城克齋李公始

在嘉靖時倭熨毒擾東南袁延淮揚諸郡朝議以揚州為南北襟喉要地特設開府重臣督治之於是世宗皇帝用廷臣薦以旌節起公於家授璽書提督軍務兼巡撫鳳陽等處公聞命星馳至鎮賊船不敢迫近明年糾眾數萬人寇公帥諸將登壇誓師一殲之馬邏恩躍先驅為將士倡殲之仲莊殲之西亭殲之劉莊白駒場星港賊又至殲之仲莊殲之鍋團殲之劉莊白駒場盡殲之唐家渫前後公奏捷斬賊首四千七百四十九級燔溺死者無算江南北晏然淮揚父老為建祠俎豆之言翼翼相望四千里間不絕

雙忠祠在通濟門外官河南岸明嘉靖三十五年五月  
倭犯揚州府同知朱哀與高郵衛經歷晏銳率千戶賈  
勇及子恩引兵出城渡河東禦之與倭戰哀銳俱死倭  
平立祠祀之額曰雙忠

范公祠在南門外官河東岸祀明嘉靖間兩淮轉運使  
范鏞鏞有惠政陞任時商民立祠以祀邑侍郎葉相爲  
之記後人並追祀宋文正公仲淹忠宣公純仁徽猷閣  
待制純粹繼又增祀

國朝大學士諡文程承謨

明葉相兩淮都轉運使范公祠  
記嘉靖庚子徂夏兩淮都轉運

使范公祠成蓋兩淮之人思公之德之政共立以祀公  
也公於嘉靖癸巳以河南守轉運兩淮緣兩淮財賦繁

江都縣志

卷之八

祠祀

十九

殷事體重大十倍他司當宁最公治行選擇任公涖政  
之初適鹽法弊壞公私莫爲利公卽以治家事治之殫  
畢心力顧鹽雖一節然邊儲國計中問利病蝟興公日  
夜講求蹟隱精入秋毫有老於商不及知而公洞察無  
留遜沿海之地頻年災丁竈困跽公撫摩若嬰孺賑集  
轉徙派分逋負寬免重役草澤忻忻若再生諸商多四  
方右姓挾厚貲佐邊官司不察徃往威辱上下情遂扞  
格每折閱棄其業去惟公凡有呼召必使羣議於庭開  
誠布公若家人然疴癢疾痛必爲之處自是諸商入則  
子趨出則父戴近年徵收擊羨實幣固法之宜但上之  
取旣十倍於前而期限復逼迫若風火鞭笞鎖速愁苦  
公力爲寬假每使徐貫魚以輸舊一切供億仰責店主  
商罰無紀極公盡革之不得已而得百分一耳曰民膏  
我帑我敢魚肉三十場鹽僚屬吏因遠僻多貨公處之  
若和而約之實嚴暑不假借衆始或懟終則賴以自全  
感且喜凡南北經往賓旅交際旁午公惟待之書冊果  
茗不以幣伏臘僚友宴集惟魚肉脯醢無兼品公堂廡  
舍圯甚則因其舊少葺不堪曰我姑待其豐公本儒素  
人以爲官旣久或納綺徐察其私羸衣糲食宴如也惟  
遇興革一政必盡夜咨訪惟精惟允明日入以告於上

官曰若何為利若何為不利見官諾而行之種種皆美  
政人不知自公出也問有見或殊人情猶未協必累  
算公勸商督竈疏決盡通豈惟利商民多賴焉若商  
有訟則立召於庭數言得其情去久之民間大訟獄  
多就公質成踰三年政大洽上曰范來早我人飽范  
奚廢公未逢鹽丙申轉陸參逢我公又曰范來早我  
來遲我人饑丙申轉陸參逢我公又曰范來早我人飽  
巷有泣者擁之絲髮無所取眾歎惋回皆曰我何里遺  
公者盡却之思乃告於諸司擇城隍原合謀併力  
德繫吾人永思乃告於諸司擇城隍原合謀併力  
以作是祠肖公之像於中香燈炯爛不絕堂寢嵯嵯門  
廡翼大翼高楔重垣峻且華面陽而枕流過者胥式乃語  
相曰大夫食於家久見我公之政真又曰大夫每慎許可必  
無私交於我相其好惡必當又曰大夫每慎許可必  
信幸為我記相其好惡必當又曰大夫每慎許可必  
茂祠之也宜昔石慶生祠於齊樂布生祠於燕羊祜於  
襄張詠於蜀凡以報功德而繹思也相竊觀公為人豐財  
本嚴而敷政則寬守本介而待人則恕本欲為國豐財  
而反薄其取本欲為官最課而反緩其徵何也蓋寬與

江都縣志

卷之八 祠祀

二十

恕正孔子所謂居上以寬乃得人之本薄取緩徵則百  
姓足君孰與不足之意也賢哉吾嘗歷考兩淮後先居  
是任而善於職者不過數人前有廉克畢以敏克李以嚴  
亨復有李公銳皆賢人也耿以廉克畢以敏克李以嚴  
克公實足以繼其美而感人之深則過之祠之百世宜  
也相特為記公之德之政之大且要者若此以告我人  
不知自是聞公之風而興起者幾人可以同公俎豆是  
祠當虛以俟若乃見其善而不知其好而不思之與  
齊仍尋常黷取以厲人亦或旋逐而自棄傷國之體債  
官之常則公之罪人也惡哉是役也首其事者商耆并  
諸協力以佐亦乘爨好德之公非以取悅於公也其姓  
名及供祀事土田廣袤備書碑之陰可考公名總字平  
甫瀋陽人正德丁丑科進士今歷臺省日躋華要云

又雙忠祠在西門內四望亭明天啟間建祀贈太僕卿

高邦佐贈僉事陳輔堯皆死國事者傳具忠節

周公祠一在郡城內一在挹江門外官河南岸俱祀

國朝順治間兵備道周亮工

**忠孝祠**

在儒學內

**貞節祠**

在儒學外西偏

俱雍正二年奉

旨通行各府州縣衛建已詳學校志舊志載有節孝祠在運司北大街知縣陸朝璣建考無此祠今貞節祠係邑人金維紫買民舍擴之光祿汪應庚重建又府學另有孝子祠則舉人方天育呈請祀其曾祖立禮者也

附舊志所有祠祀今分屬甘泉境內者

**古城隍廟**

在堡城

**東嶽廟**

在洗馬橋

**火星廟**

在馬市口

**都天廟**

在宛

**馬神廟**

一在教場東營一在左衛街

**五龍廟**

在城北九曲池宋陳造有記

**龍**

**王廟**

在城西七里店

**盤古廟**

在城山西盤古山

**威烈王廟**

在城北鐵佛寺西所祀莫

江都縣志

卷之八 祠祀

二十一

**邗溝廟**

在城東北邗溝之陽相傳為吳王夫差築城開邗溝後人祀之

**恭愛廟**

在城

西陳公塘側祀漢廣陵太守陳登

**三元巷關帝廟**

內有三絕碑元馮子振作記蘓昌齡

永起語趙孟頫書又有三義閣在永盛街並祀漢昭烈帝張桓侯

**神醫廟**

在太平橋祀漢華陀

今名華甘棠廟在邵伯鎮祀晉太傅謝安

**司徒廟**

在蜀岡平山堂右祀茅許祝蔣

吳五神神梁時人曾為揚除虎患揚人德之立廟以祀隋封司徒錫以侯爵宋賜廟額曰英顯後加王號

歷代靈爽昭著報賽者歲無虛日

**二郎廟**

在東關馬草街祀隋

嘉州守旌忠廟

在三元巷東祀宋死節左軍統制魏俊後軍統制王方

**晏公廟**

在小東門內祀明嘉靖中死倭

記黃金壩金龍四大王廟

**晏公廟**

在小東門內祀明嘉靖中死倭

難高郵衛經歷晏銳東關外亦有晏公廟所祀乃水神也

**新橋文昌祠**

**董子祠**

祀漢江都王相董仲舒祠舊在新城運司治內司治即董子故宅明宣德間何士英作堂以祀楊士奇有

記正德間移建於北柳巷四國朝康熙四  
十年賜正誼明道字額懸祠內  
**孔北海祠**

府孔毓璞建祀漢北海太守孔融  
知  
**忠貞祠**在南門內祀晉

尚書令  
**謝太傅祠**在晉太傅謝安祀  
**露筋祠**在邵伯鎮北三十里

事見列女傳宋米芾有廟碑四國朝康  
熙四十六年賜節媛芳躅四字額  
**范文正公祠**

在平山堂東祀宋參知政事范仲淹以公四子純祐  
純仁純禮純粹配國朝增祀公後裔大學士承謨

**歐陽文忠公祠**宋慶曆中以歲久圯廢莫考所在今祀

於平山堂後樓以知揚州蘓軾配國朝  
康熙四十四年賜賢守清風四字額  
**胡安定先**

**生祠**在大明寺西祀胡瑗後增祀李衡王居正為  
三先生祠繼又增祀李樹敏沈珠為五先生祠

**羅令祠**在邵伯鎮法華寺側祀宋江  
都令羅適學士秦觀為之記  
**畢招撫祠**舊在夾城

內祀宋知揚州畢再遇  
**雙忠祠**在廣儲門外梅花嶺祀宋知揚  
州李庭芝通州副統制姜才

江都縣志

卷之八 祠祀

**大忠祠**在南門內新橋坊祀梁祖皓宋李庭芝姜才  
陸秀夫汪立信吳從龍趙淮明茅誦崇剛朱

哀晏銳邱陞  
**曾襄愍祠**一家在垣祀明總制三邊贈兵  
共十二人

部尚書  
**深仁祠**在瓊花觀內祀明揚州知府吳桂芳  
曾銑石茂華及巡按御史吳百朋巡鹽御

史崔  
**王公祠**在廣儲門外運同裴述祖  
棟王明及兩淮運同裴述祖

儲門外梅花嶺祀  
**虞公祠**在南門內德曄  
明揚州知府吳秀祀

在南門大街東祀  
**郝公祠**在城西法海寺側祀明  
明江都知縣陳邦科

郝景春並  
**蕭孝子祠**在廣儲門外梅花嶺祀孝子  
其子鳴鸞

**公祠**在運司治南祀華  
**施公祠**在廣儲門外祀世國  
國在朝轉運使崔華

**五烈祠**在城西司徒廟左祀烈女池氏霍氏烈婦  
氏程氏周氏其地舊為烈祠祗祀池霍二裔

烈女雍正十一年甘泉知縣龔里紳汪  
應庚重建並祀五年烈泉屬風化焉龔里汪  
**曹公祠**

在小東門街北祀國  
朝巡鹽通政司曹寅

江都縣志

卷之八  
祠祀

二十三